

# **Universitätsbibliothek Paderborn**

## **Ars Semper Gavdendi**

Demonstrata Ex Sola Consideratione Divinae Providentiae Et Per  
Adventvales Conciones

Laetitiae Perfectae Artificivm In Conscientiae Recta Efformatione  
inuentum, & per Adventvales Conciones expositum ac demonstratum

**Sarasa, Alfonsus Antonius de**

**Antverpiae, 1667**

§. I. Variè à varijs Conscientia describitur potiùs quàm definitur.

**urn:nbn:de:hbz:466:1-11367**

§. I.

*Variè à variis Conscientia describitur potius ,  
quām definitur.*

1. **V**aria & prorsus admiranda sunt, quæ tum à Sanctis Patribus, tum etiam à Philosophis de Conscientiâ afferuntur : ea tamen sunt, quæ encomia potius dicenda sint, quām rei plana expositio ; vt potè quibus non adeò præstitutum fuerit Conscientiam definire, quām ejus præstantiam dignitatemque verbis commendare. Varia quod afferant de re admodum simplici, id quidem non miror ego. Varia enim Conscientiæ cùm sint munia, & quidem inter se disparata, diuersis etiam patet contemplantium aspectibus. Et sic contingit vt de re vnâ & simplici, diuersa tamen sint & judicia & encomia, prout eandem diuersimodè agentem, mirâque varietate vim suam exerentem, varie fuerint contemplati. Iuuat hanc judiciorum diuersitatem intueri : nam quamvis singuli singula tantum referant, magisque describant qualis sit Conscientia, quām quid sit ; illud tamen inde referemus commodi, vt cùm singula à variis perceperimus sigillatim, generatim etiam intellecturi simus omnia, quæ Conscientiæ demandata sunt munia : sic demum facile percepturi, non tantum qualis, sed & generatim quid sit, & quæ demum rei adeo commendatæ definitio & natura.

2. Ac primò quidem vt à Philosophis exordiar, Epictetus eam Pædagogum vocat natu grandioribus à Deo datum, singulorum actiones qui & obseruet & dirigat. Pædagogo, inquit, nos tradere parentes, qui vtique obseruet, num quid ledere mustur. Deus autem iam viros insitæ Conscientie custodiendos tradidit. Quæ quidem custodia d' obseruatio nequaquam contemnenda est ; quoniam d' Deo displiceret, d' Conscientie nostræ ipsi hostes essemus. Altius exsurgit D. Gregorius Nazianzenus, eamque appellat, Domesticum d' verum tribunal ; illi procul dubio simile, quod quia Regum lateri semper adhæret, sanctioribusque Regni negotiis adhibetur, Senatus & est, & vocatur domesticus, aut priuatus. Magnus Gregorius, ipsam accusatricem nominat, & cui soli in hoc tribunali actio

D. Greg.  
Naz. de  
plaga  
grand.  
D. Greg.  
In mor.  
c.2.

actio competit criminandi. D. Bernardus eam & testandi jus D. Bern. I.  
habere contendit, quinimo & judicis partem agere, & carnificis,  
& rei. Alii tabellionem publicum dicunt, cuius tabulis omni-  
moda fides datur. Alii vermem indigitant, surdo allapsu animæ  
intima arrodentem. Diuus tamen Paulus, ut ei inuidiam detra-  
hat, pleno ore triumphum suum eam sibi esse deprædicat. *Gloria*  
*nostra hæc est*, inquit, *testimonium Conscientie nostræ*. Quid quod  
Psalmista alto sanè encomio, eam velit esse lumen Diuini vultus,  
& quidem animæ nostræ insitum & inhærens? *Signatum est*, inquit,  
*super nos lumen vultus tui*. Quæ verba sic commentatur Augusti-  
nus, *Signatum autem dixit in nobis, tamquam denarius signatur re-*  
*gis imagine*? Neque abs re dixerat signatam in nobis imaginem  
Diuini vultus, tamquam sigillum Dei, quo cuncta quæ in hoc  
Conscientiæ tribunal expediuntur diplomata & decretalia, rite &  
authentice obseruantur. Merito itaque ex Nazianzeno, Con-  
scientiam diximus domesticum & priuatum Senatum Dei, vt  
pote cui Diuini sigilli cura, cum amplissimâ potestate est deman-  
data.

*Conscientia  
dicitur Mor-  
taliūm Deus,  
& benē.*

Minus igitur jam mirabor, Conscientiam Menandro dici  
Deum. *Mortalibus omnibus Conscientia Deus est*, inquit. Certè  
non loquitur abs re. Nam senatus supremi, & verò etiam priuati  
quod Regi à latere est, acta & diplomata, meritò Regis nomen  
præferunt, & à Rege dicuntur emanare, vt potè qui tali Senatui,  
cum sigillo & auctoritatē suam, & verò etiam nomen dignita-  
tis suæ concesserit; atque adeò quæcumque ab ipsis subsellijs man-  
data deferuntur, ea dicitur præscripsisse Rex. Ita vt hinc etiam  
meritò Senatus ille sacer, Rex nominetur, cujus auctoritate insi-  
gnitur. Ita prorsus, cùm Diuino vultu signatum sigillum Con-  
scientia penes se habeat, sibi à Deo ipso legitimè & cum summâ  
auctoritate (vt paulatim visuri sumus) consignatum, certè non Tract. 3.  
immeritò Conscientia dicitur mortalium Deus. Neque Menardi  
gentilis hominis sententia multum ponderis apud me haberet,  
nisi eam Lactantius suo calculo in Cicerone comprobasset. *Non* Laclant.  
*minus*, inquit, *mirabiliter de Deo & de Conscientiâ meminit Tullius:*  
*Meminerit Deum se habere testem, id est ut ego arbitror, mentem suam,*  
*quā nihil homini dedit Deus diuinus.*

*1. Imperat  
vice Dei.*

Neque verò, vt quod res est fatear, hæc mihi per exaggeratio-  
nem aliquam, & ad pompam tantummodo dicta videntur. Cùm  
enim

3.

4.

2. ad Cor.  
L. V. 12.

Pf. 4. v. 7.  
Aug. in  
cum loc.

Tract. 3.

de vero  
cultu.c.  
24.



enim res altius & attentius inspicitur, ( quodque toto libri hujus decursu manifestum dabo ) Conscientia cuius propria, Dei vices agit: vt potè cuius dictamini & imperio in rebus agendis necessariò quisque sese beat subdere & accommodare; cùm ipsa sola sit quæ in actibus singularibus exigendis, voluntatem Dei animæ denuntiet: adeo ut ei qui paret, Deo prorsus pareat. Vnde & Conscientiam Theologi humanarum actionum Regulam proximam esse definiunt, quarum, Voluntas Dei Regula sit remota; vt potè quæ homini, non nisi per Conscientiam, vt regulam proximam, applicatur.

5. Re autem jam peractâ & actione positâ, solius Conscientiæ <sup>2. Iudicat  
acta.</sup> in hac mortali vitâ munus est, eam judicis instar aut approbare, aut certè judicio suo condemnare, ad instar Dei. Quod quidem adeò verum est, vt Deus ipse judicium suum suspendat, sententiamque à Conscientiâ proferendam expectet, vt calculum ei suum porrò adjiciat. Illud enim sciendum est, lites omnes quæ cœlum inter hominemque intercedunt, à suo tribunali Numen amandasse; earumque arbitrium & diremptionem, priuato huic Senatui, domestico inquam Tribunali, Conscientiæ commississe.
6. Denique sententiâ pro Deo contra peccatorem latâ, omnis <sup>3. Reconci-  
liait hominē  
cum Deo.</sup> cum offeso Numinе reconciliatio irrita est & frustranea, neque vlla à Deo delicti gratia conceditur, quæ prius in hoc tribunal exanimata non fuerit, rite discussa, sigillo Conscientiæ munita, ac sic demum peccatori quasi in manus consignata. Et sic omni ex parte verissimum esse constat, Conscientiam mortalibus Deum esse, cuius vicarias partes tantâ cum auctoritate exequitur. Magna hæc sunt fateor & magnifica Conscientiæ encomia; needum tamen satis liquet ea quid sit. Istud igitur agamus modo, naturamque tam præclaræ rei penitus explicemus.

